

Cansun dal Carlavèe d' CIVAREU dal 2005

Gira 'l feuj dal calendariu
ca l'è già finì Genêe,
tira sù cul tafanariu
suma 'n mes dal Carlavèe....



Guenta nèe par al pais
fèe 'n quai bal cun la Palecca,
peui ansema a tucc j'amis
meutsi cosi la paniccia,
cl'è na vegia tradisiùn
ch'is tramandu i Civareui
e l'è facia ad minestrùn
cun la pasta, carn, faseui.

Ma par rendla 'nca saurìa
l'è mia sé 'n po' d' dadu e sàa,
guenta meutghi l'alegria
d'una satira peuràa,
ca la diga 'l nuvitai
ch'in rivani l'an pasà,
tutti 'l robi capitai
'n tal pais e fora d' cà.

E alora 'n cuminciuma
"suma nt' l'epoca di bèi"
n'tal governu giù par Ruma
i s'ampiantu anca i cavèi.
Al cervell l'è rinfursassi?
al po' anca sbisarisi,
i na bassu stiss al tassi
e j n' aumentu i servizi.



Anca st'ann, vardent al Mund
na smia nutt cl'è migliurà !
'L gira sempri, l'è rutunt
ma l'è tutt an po' crepà !
Al Teremot e al "Tsunami"
fin al pernu jan spustani.

'Nti lucaj spò più fumèe,
se da nò dan giù sansiogn,
fòo d'la porta i fan ghignèe
cui chi fumu mè lucoign!.



Dèss però, sansa gramisia,
fòo d'la porta si permettì,
i mandariu, par giustisia,
anca cui che i tiru 'l petti.

Par pudej fèsi vardèe,
ogni Ann cal passa avanti
ta fan vugghi stiss pusè,
cerchent d' sighi 'n po' "elegantì".
(L'è 'n po' 'l visiu dal famèli
da vrei sighi al pusè bèli !).

Ambulic e boffa biutta,
pel ratin c'al vansa sù,
chi la gabbiu sana o rutta
nant an gir i menu 'l cù.
Prima o peuj, sansa fadiga,
'g vugaruma anca la "fi..."



E què dii dal neust Pais?
Che 'l "Ricacc" cal stà su 'n ciuma,
cun piasii 'd parent e amis,
né più 'l bef e né più 'l fuma ???
Ma al lavora tutt al di
e l'è torna dur e ardì ?

Che 'l Luciano, giù 'l Vassèe,
stuffiu d'stè satà s'la banca
par pudej più trubulèe
l'è nà 'l Borg a rifèe l'anca?
G'auguruma cun sta rima
d'turnèe an forma mej che prima!.

Ùna vota, s'at cerchevi,
at truvevi par Varal
tanti belli valesiani
bianchi russi al natural.
Oh, Varchiggiu t'ei sbaiatti
nu ghè piunnu 'd bravi matti.

E i marfoign d'an Civareu,
cui chi 'n già pasà trant'agn,
che cui fumbri i creddu ancoo
da pudei fèe 'n bel vadagn,
in truvassi nt'un mument
sansa nutta sutta i dent...



Ma 'l Signor par rimedièe,
i pudriu mai stèe senza,
l'è mandanni cust Genêe
an regal d'la Pruvidenza.
Adess chi guma anch'ai badanti,
su matai, curaggiu. Avanti!

An tivù 'n tucc i canai
i trasmettu lesion 'd cusina,
chi mustru al fumni e anca ai masnai
a destregèsi tra ris e farina.
Ma guà stèe attent e fèe ben tansiun
par mia fèe peui... treupp cunfusiun.

Na cusinera par fèe na sorpresa
a cul povr'om cl'è gnu cà dal lavor,
l'è preparaghi par cena na sera
an risuttin cun an gran bun udor.
Rugheva la pancia, girava al cirulli
l'è duvrà dalia... al post dal cigulli.



Cui matai chi van a scola
cun al pulman dal Cumùn,
devu ausèsi da bunora
par rivèe a la lesiùn.
E giù par la val e su par la val,
ga mettu na vita rivèe a Varal.

E la sei in sempri 'n pista,
a l'è nocc chi rivu cà,
cul che 'nveci al gà 'l taxista
al po' disi fortunà.
Da Siprai an Civareu cun sta vetura,
finiria par i bocia custa avventura.

L'è rivà la luci al Piani
e i Terrieri in tucc cuntent,
ma i cuminciu al primi grani
quant ca losna e buffa 'l vent.
Picca la losna cun an gran rumor,
e via chi sautu i neufig cuntator.



Cagaretti 'd qualità
giù la Piana 'n mes di prai,
trèi fumbretti su d'età
van ciarchèe mè disperai.
Cun sidelli e sigelin
già 'd bunora, 'n ver matin.

L'è na ciunta supraffina,
da cavai e bes-ci strani,
ma tansiun a la cunfina,
se da nò ven fòo dal grani...
"Culla lì sun vistla mì,
tucca mia... lassa lì..."



Ma 'l ghè 'n bocia spensierà,
che 'l v'è 'n gir an muturetta,
par ja strai e 'n mes al prà,
'l varda 'n gir e 'n tant al... petta.
Ma 'n bel di le fac-la bèlla,
l'è centrà cula sidella....

"Varda qui la mea sidella",
l'è bragia la civarola,
"l'era veggia, sì ma bella,
dess l'è piatta mè na tola".
Peui par sighi pardunà,
una nova l'è cumprà.

Buscarin specialisai
taiu pianti an sucieta,
ma laurant sansa iugiai,
o che 'l taij saràn sbajà,
jan facc nèe la pianta 'n teera
propriu 'n ciumma la barriera.

Quant ca riva 'l bùn d'istà
giù la Piana al ghè 'n tendùn,
par balèe l'è 'n mes dal prà
e par bèevi an quai pintùn.
In dèss di 'd divertiment,
sia par pittì che par grent.

Tra 'n disnèe e na cenotta,
tra curidi e valserin,
't passi 'l temp, ta stai an piotta
e 't vai cà cl'è già matin.
Par tutt ciò guà ringrasièe,
tucc cui là chi 's dan da fèe...

L'è ma 'l bocci che 'n po' i stantu
a svucc più cui là ch'in beugn,
e pansèe ca l'era 'n vantu,
i jugavu gran campieugn.
Dèss cul camp l'è smantigà,
ghè nissun... gnanca d'istà.

Guentaria na solusiùn
par fèe nutta cressi l'erba,
fuma gnì... su dal Cumùn
na quai bèla crava suerna.
An quai d'un al giugarà...
si garuma al camp sagà?.

Dèss parluma du cui càn
chi sa dàn an gran da fèe,
mi seu nutta cumè i fàn
ma in sempri drèe spurchèe.
Nu ghè vun mal costumà
che t'la fà... davanti cà.
D'la cansùn vèn na pruposta...
"ma i sei beugn caghèe cà vosta !?!"

Girulant ancià e 'n là
na padrona e 'l seu cagnèt
l'è truvassi 'l pass sbarà
d'un gross càn che cun efèt
l'è mustraghi i dent lusent
pruvucant an gross spuvent.

Cui deui can in ritruvassi
faccia a faccia, che ciadèll
in mustrassi al ganassi
i vurevu fees la pèll.
Chi lu sa cumè l'è naccia,
ma a la fin chi l'è stacc mal
l'è la fumbra, smorta 'n faccia
cl'è furnia l'uspidal.

Suma an funt d'la tiritera,
e 'n ca 'l fià 'l vèn fora più,
par fortuna 'l ghè 'l barbera
ca na tira pena sù,
peui na squela da paniccia,
'n tòc d'aròst e na susiccia.

Civareu, 8 faurèe dal 2005.

*I rimatori strampalati
del Terzo Millennio (e cinq...)*

